


土岐文庫  
文庫17  
W142  
24

時  
年





30-24止

文庫 17  
W142  
24



杜詩論文五十四

吳興祚伯成定

武進吳見思齊賢注

宜興潘眉元白評

武進董元愷舜民參

唐代宗大曆四年秋冬潭州

潭州送韋員外道牧韶州

炎海韶州牧風流漢署郎分符先令望同舍有輝光白首  
多年疾秋天昨夜涼洞庭無過雁書疏莫相忘

炎海韶州之牧則從署郎而出也分符則先令望一

士詩論文

潭州五十四

昭和六十年二月一日贈  
忠誠堂吉原氏寄

010185187158



句。韋同舍與有輝光。一句自四句送行。下自序白首。久疾而秋天已涼。正雁來之候也。洞庭之南。雁雖不到。幸無忘寄書也。

酬韋韶州見寄

養拙江湖外。朝廷記憶疎。深慙長者轍。重得故人書。白髮絲難理。新詩錦不如。雖無南過鴈。看取北來魚。

養拙於江湖之外。朝廷不復記憶矣。深慙來別。又重寄書。無如我白髮難梳。羨汝新詩似錦。洞庭雖無南過之雁。汝無書來。猶有北來之魚。我當寄至也。

附韋迨早發湘潭寄杜員外院長

北風昨夜雨。江上早來涼。楚岫千峰翠。湘潭一葉黃。故人湖外客。白首尚為郎。相憶無南鴈。何時有報章。

北風昨夜雨。雨而江上涼矣。楚山重翠。湘潭葉黃。秋景亦雨後景也。四句虛。故不答。故人湖外客。白首尚為郎。故答曰。養拙江湖外。朝廷記憶疎也。相憶無南鴈。何時有報章。故答曰。雖無南去雁。看取北來魚也。

樓上

天地空搔首。頻抽白玉簪。皇輿三極北。身事五湖南。戀闕



勞肝肺論材愧杞柙亂離難自救終是老湘潭

遠望天地之大空為搔首止一句樓上餘俱感懷搔首故頰抽簪也而搔首躊躇者以皇輿遠在極北而身事乃在湖南也戀闕雖爾勞心然論才愧非重任承皇輿句是以亂離之中尚難自救亦終老湘潭而已承身事句

千秋節有感二首

自罷千秋節頻傷八月來先朝常宴會壯觀已塵埃鳳紀龍池塹劫灰湘川新涕淚秦樹遠樓臺寶鏡群臣

得金吾萬國迴衢尊不重飲白首獨餘哀

立宗八月五日生以此日為千秋節至立宗崩後此節已罷故每至八月頻為傷心也蓋以先朝常開宴會往事久為塵埃故鳳紀雖縮生日而龍池已滿劫灰矣一段序往事至今湘江又逢八月而秦樹不見樓臺憶昔寶鏡獻於群臣法駕迴於萬里今則衢尊不能重飲惟有白首銜哀而已一段傷近事

御氣雲樓敞含風綵仗高仙人張內樂王母獻宮桃羅襪紅渠艷金羈白雪毛舞階銜壽酒走索背秋毫聖主他年



貴邊心此日勞桂江流向北滿眼送波濤

此首細寫當日御勤政樓大陳聲樂之盛也御座而  
雲樓敞樓上故臨風而綵仗高也樓下聲樂之承應  
者先以仙人張樂次有王母獻桃妓則羅襪有紅渠  
之艷馬則金羈呈白雪之毛馬則舞於階前啣盃上  
壽頂金羈句妓則走索相背不失秋毫頂羅襪句倒  
裝句法惟走索故見其襪也一段咏事因歎聖主昔  
年之貴如此何以致今日籌邊之獨勞乎我今惟對  
桂江之流滿目波濤而昔年盛事不復見矣

蘇大侍御渙靜者也旅于江側不交州府之客人事都  
絕久矣肩輿江浦忽訪老夫舟楫而已茶酒內余請  
誦近詩肯吟數首才力素壯詞句動人接對明日憶  
其湧思雷出書篋几杖之外殷殷畱金石聲賦八韻  
記異亦記老夫傾倒于蘇至矣

龐公不浪出蘇氏今有之再聞誦新作突過黃初詩乾坤  
幾反覆揚馬宜同時今晨清鏡中勝食齊房芝余髮喜却  
變白間生黑絲昨夜舟天接湘娥簾外悲百靈未敢散風  
破寒江遲



龐公高隱。不肯輕出。今于蘇氏見之矣。再聞其詩。復過魏初諸作。今當乾坤反覆之時。楊雄馬遷。同時而出。耶。昨聞其詩。而一宿之中心融神會。今晨照鏡。顏色頓異。勝于食芝者。蓋余髮已變。而白中且生黑髮也。追思昨夜諷誦之詩。舟外接水。水外接天。洞庭千里之間。令湘妃感泣。百靈俱聚。故清風颭至。寒江不流也。先出。今晨後出。昨夜兩段作章法。

可歎

天上浮雲如白衣。斯須改變如蒼狗。古往今來共一時。人

生萬事無不有。近者抉眼去其夫。河東女兒身。姓柳。丈夫正色動引經。鄴城客子王季友。群書萬卷常暗誦。孝經一通看在手。貧窮老瘦家賣履。好事就之為攜酒。豫章太守高帝孫。引為貧客敬頗久。聞道三年未曾語。小心恐懼閉其口。太守得之更不疑。人生反覆看已醜。明月無瑕豈容易。紫氣鬱鬱猶衝斗。時危可仗真豪俊。二人得置君側否。太守頃者領山南。邦人思之比父母。王生早曾拜顏色。高山之外皆培塿。用為羲和天為成。用平水土地為厚王也。論道阻江湖。李也凝丞曠。前後死為星辰終不滅。致君堯



舜焉肯朽吾輩碌碌飽飯行風后力牧長廻首

天上浮雲忽如白衣。又如蒼狗。變幻頃刻。古往今來。共此斯須。而人生萬事無所不有。亦如浮雲而已。四句興起。即如夫婦之道。一醮不改。或夫棄婦者有之。而河東女子反棄其夫。不亦變幻已極哉。河東女一時所見。借以感歎。下乃實序丈夫正色。動引經常。君臣之義。猶夫婦之道。豈肯作越倫犯分之事。如柳氏者哉。則鄆城王季友是也。博極群書。而孝經更熟。乃至賣屐糊口。好事者亦常攜酒問奇也。忽遇豫章太

守高帝之孫。引為賓客。久而益敬。而季友則小心恐懼。三年不語。雖大守不疑。而傍人侮笑矣。夫明月之珠。欲保其無瑕。豈為易事。此王生所以恐懼。然鄆城之劍。時雖未用。而紫氣干霄。豈可以不言而忽之哉。况屬時危。必得豪傑共濟。二人當置之。君側否耶。下承二人太守頃領山南。邦人稱為父母。王生早曾相識。其餘俱不足道。故此二人者。用為司天。則天道成。用為平地。則地道厚。無柰王能論道。而尚阻於江湖。李可凝丞。而未置於前後。即湮沒而死。亦且上為列



星苟能用之。則致君堯舜。以垂不朽矣。吾輩碌碌飽飯而已。柰何使風后力牧之儔。長迴首而歎不用哉。風后力牧。應義和二句。

奉贈盧五丈參謀琚

時丈人使自江陵在長沙待命思旨先支俸錢米

恭惟同自出。妙選異高標。入幕知孫楚。披襟得鄭僑。丈人藉才地。門閥冠雲霄。老矣逢迎拙。相於契托饒。賜錢傾府待。俸米駐船遙。鄰好艱難薄。氓心杼柚焦。客星空伴使。寒水不成朝。素髮乾垂領。銀章破在腰。說詩能累夜。醉酒或連朝。藻翰惟牽率。湖山合動搖。時清非造化。興盡却蕭條。

天子多恩澤。蒼生轉寂寥。休傳鹿是馬。莫信鵬為鴟。未解依依袂。還斟汎汎瓢。流年疲蟋蟀。體物幸鷓鴣。孤負滄洲願。誰云晚見招。

杜之祖母盧氏。盧琚。中表兄弟也。次日家門親誼。則

我同自出。朝廷妙選。則君異高標。下頂妙選句。入幕才如孫楚。被襟快若鄭僑。丈人雖自有才地。而門第亦一時之盛也。應同自出四句。說盧我雖老而逢迎已拙。相與久則托契為多。二句。自序君今賜錢。則府庫可傾。俸米則舟航自遠。點先支錢米。但鄰好難全。



民心困苦。故使星雖臨。而朝宗未必也。兼序幕府事。六句皆說虛。我年衰而素髮已垂。省郎而銀章空綰。遇君傾倒。逸興復高。故說詩累夜。醉酒連朝。而君之藻翰敏捷。常使湖山動搖矣。六句序近事。然時清而世事日非。故興盡而感慨復集。蓋天子雖有恩澤。而民生日覺摧殘。必朝廷之上。奸佞盡除。弗容鹿馬之奸。莫信鴟鴞之輩。時方清。民方聽耳。六句時事。然而不能也。于此未別之時。且醉尊前之酒。但目前之事。可憂。如歲暮蟋蟀。而役車未休。相彼鷓鴣。而拚飛惟

鳥。天下事如此。我今未遂滄洲之願。卽有招隱。不亦晚乎。

惜別行送劉僕射判官

聞道南行市駿馬。不限匹數軍中須。襄陽幕府天下異。主將儉省憂艱虞。祇收壯健勝鐵甲。豈因格鬪求龍駒。而今西北自反。麒麟蕩盡一匹無。龍媒真種在帝都。子孫未落西南隅。向非戎事備征伐。君肯辛苦越江湖。江湖凡馬多顛頽。衣冠往往乘蹇驢。梁公富貴于身疎。號令明白人安居。俸錢時散士子盡。府庫不爲驕豪虛。以茲報主寸心



赤氣却西。迴北。羅網群馬藉馬。多意在驅除出金帛。劉侯奉使光推擇。滔滔才略滄溟窄。杜陵老翁秋繫船。扶病相識長沙驛。強梳白髮提葫蘆。手兼菊花路旁摘。九州兵革浩茫茫。三歎聚散臨重陽。當盃對客忍涕淚。不覺老夫神內傷。

聞子南行爲市駿馬也。馬則不限匹數。有則盡買。以軍中所用者多耳。襄陽幕府異于天下。蓋天下各侈主將儉省。天下喜亂。主將憂虞。儉省故有餘財。憂虞故買馬也。而所買者。不過欲其壯健勝甲。以備戰場之用。何必龍駒哉。一段買馬之由。自祿山亂後。良馬蕩盡。龍媒或在帝都。種類未落此地。苟非征伐重事。君肯越江湖以求之耶。然江湖之間。卽有亦多顛額。衣冠尚乘蹇驢。何得不遠行乎。一段買馬之行。梁公卽襄陽主將也。雖處富貴。視如浮雲。故號令嚴肅。民得安生。且俸賞頒于士子。府庫不供驕奢。以此報主。是爲赤心。氣已足。西却吐番。北却回紇矣。是以湖羅群馬。必求其多。意在立功。而不吝金帛也。一段美主。將此劉侯所以推擇而使。者以其才略之濶大也。我



繫舟于此。扶病相識。沽酒摘花。與君共飲。乃以天下多事。方聚忽散。正在此重陽之時。故當孟。恐淚。而神已內傷矣。一段送別。

重送劉十弟判官

分源豈韋派。別浦鴈賓秋。年事推兄忝。人才覺弟優。經過辨。鄴劍。意氣逐。吳鉤。垂翅徒衰老。先鞭不滯留。本枝凌歲晚。高義豁窮愁。他日臨江待。長沙舊驛樓。

劉與杜。分源在豕韋之後。今與汝相別。在雁去之時。年則我為兄。忝才則覺為弟。優。下頂弟。優。句。氣如鄴。

劍擊者皆知。才如吳鉤。遇之皆快。我歎滯留而衰老。子已先鞭。而不留。二句送別。本枝之誼。歲晚不渝。應分源句。高義之酬。窮愁盡豁。應。意氣句。預計歸來之日。則臨江相待。依然此地也。

登舟將適漢陽

春宅棄汝去。秋帆催客歸。庭蔬尚在眼。浦浪已交衣。生理飄蕩拙。有心遲暮違。中原戎馬盛。遠道素書稀。塞鴈與時集。檣烏終歲飛。鹿門自此往。永息漢陰機。

春居之宅。將棄汝而東去。因秋風之帆。催我北歸也。



庭蔬尚在眼前。頂春宅。浦浪又將吹袂。頂秋帆。四句  
 登舟。生理尚存。因飄蕩而已拙。有心未遂。以遲暮而  
 終遠。因中原兵戈尚盛。遠道素書已稀。故不能歸長  
 安。且適漢陽耳。四句。登舟之故。乃見塞雁復來。不覺  
 秋時已至。檣烏猶在。更爾終歲相隨耶。既至漢陽。則  
 將終隱息機。不復再出矣。四句。適漢陽。

湖南送敬十使君適廣陵

相見各頭白。其如離別何。幾年一會面。今日復悲歌。少壯  
 樂難得。歲寒心匪他。氣纏霜匣滿。水置玉壺多。遭亂實漂

泊濟時曾琢磨。形容吾較老。膽力爾誰過。秋晚岳增翠。風  
 高湖湧波。騫騰訪知己。淮海莫蹉跎。

相見已俱頭白。乃更將離別耶。况幾年不能常見。今  
 目遠別。又動悲歌矣。四句。送追思少壯之樂難得。頂  
 幾年句。歲寒之心不改。頂今日句。子則劍氣已騰。冰  
 心尚潔。我雖遭亂而漂泊。子實濟時而琢磨。我則形  
 容已老。子則膽力絕人也。八句。贈敬兼自序。秋晚而  
 南岳增翠。風高而洞庭增波。待爾騫騰之後。我當訪  
 爾于淮海之間也。二句。廣陵。



暮秋枉裴道州手札率爾遣興寄遞呈蘇煥侍御

久客多枉友朋書素書一月凡一束虛名但蒙寒暄問泛  
愛不救溝壑辱齒落未是無心人舌存恥作窮途哭道州  
手札適復至紙長要自三過讀盈把那須滄海珠入懷本  
倚崑山玉撥棄潭州百斛酒蕪沒滿岸千株菊使我晝立  
煩兒孫令我夜坐費燈燭憶子初尉永嘉去紅顏白哲花  
映肉軍符侯印取豈遲紫燕驟耳行甚速聖朝尚飛戰鬪  
塵濟世宜引英俊人黎元愁痛會蘇息 跋扈徒趨巡  
授鉞築壇聞意旨頽綱漏網期彌綸郭欽上書見大計劉

毅答詔驚群臣他日更僕語不淺明公論兵氣益振傾壺  
簫管黑白髮儼劍霜雪吹青春宴筵曾語蘇季子後來傑  
出雲孫比茅齊定玉城郭門藥物楚老漁商市市北肩輿  
每聯袂郭南抱甕亦隱几無數將軍西第成早作丞相東  
山起烏雀苦肥秋粟菽蛟龍欲蝥寒沙水天下鼓角何時  
休陣前部曲終日死附書與裴因示蘇此生已愧須人扶  
致君堯舜付公等早據要路思捐軀

久客而枉友朋之書一月一束不為不多不過慕虛  
名通寒暄而已無救於貧也齒雖落亦為有心之人



古既在。肯作窮途之哭乎。一段不望其書來也。乃道州之書。情悃深摯。紙長不能竟讀。字之錯落。不數滄海之珠。置之懷中。如得荆山之玉。是以酒亦無心飲。花亦無心看。晝思之。而久立。煩兒孫之扶。夜思之。而久坐。費燈燭之光。一段喜其書來也。因其書至。憶其相與初年。子方尉永嘉也。此時顏色正少。曾幾何時。已爲刺史矣。軍符侯印。得之不遲。如良驥取途。飛騰甚速。况朝廷征伐未息。濟世正須英傑。君如進用。當使蒼生痛甦。吐番退却。苟授鉞築壇。親承進止。則顏

綱漏網。立可彌縫矣。且上書如郭欽。答詔如劉毅。他日上殿論兵。則更僕不厭。明公氣振。而天子前席也。一段裴道州。想當日傾壺而飲。簫管迭奏。樂極忘憂。白髮爲黑。劍舞霜雪。歌吹青春。而宴筵之中。曾語我蘇季子。有傑出之雲初。則蘇侍御也。我因道州得識侍御。今侍御寄居于潭州之郭門。我賣藥于潭州之漁市。蘇來訪我。則肩輿市北。我去訪蘇。則隱几郭南。因歎爲將軍者。甲第旣高。爲丞相者。東山又起。秋粟收而鳥雀亦肥。將軍丞相也。沙水寒而蛟龍方蟄。我



與蘇也。一段蘇侍御秋栗寒水兼點暮秋又歎天下  
兵戈未息戰士多亡正英俊濟世之時故附書與裴  
兼以示蘇我則衰老已矣致君堯舜專望公等可不  
早據要路而敢愛身乎

奉贈李八丈曠判官

我丈時英特宗枝神堯後珊瑚市則無駮驥人得有早年  
見標格秀氣衝星斗事業富清機官曹正獨守頃來樹嘉  
政皆已傳眾口艱難體貴安冗長吾敢取區區猶歷試炯  
炯更持久討論實解頤操割紛應手篋書積誠諫官闕限  
奔走入幕未展材秉鈞孰為偶所親問淹泊汎愛惜衰朽  
垂白辭南翁委身希北叟真成窮轍鮒或似喪家狗秋枯  
洞庭石風颯長沙柳高興激荆衡知音為回首

我丈為一時之英特而宗枝則本於神堯寶如珊瑚  
既為市上所無俊如駮驥豈人所得有耶是以標格  
冠于早年秀氣已衝星斗乃既富事業又能守正在  
官而樹嘉政傳眾口矣然艱難之際還宜自重而冗  
細之務非所宜取也又言其才如此便宜大用乃歷  
試外職而此心炯炯久而不厭又討論典故使人解



願操割衆務。莫不應手。篋中既多諫書。而宮闕不容。其即入乎。今雖入幕。未展其才。回看秉鈞之人。竟無其匹也。一段李八丈下自序。因親誼而蒙過問。以衰年而承汎愛。我則既別巫峽。已不爲南翁。欲返長安。復望爲北叟矣。故行止無依。如涸轍。如喪家。又遇此秋風木落之時。何以爲懷。惟有興至高歌。音激荆衡。望知音之回聽而已。收轉李八丈結。

晚秋長沙蔡五侍御飲筵送殷六參軍歸澧州觀省

佳士欣相識。慈顏望遠游。甘從投轄飲。肯作置書郵。高鳥

黃雲暮寒蟬碧樹。秋湖南冬不雪。吾病得淹留。

佳士今喜相識。殷六參軍也。慈顏方念遠游。歸觀省也。甘從投轄之飲。蔡侍御筵也。不作置書之郵。點殷姓也。高鳥過而黃雲暎暮寒。蟬吟而碧樹知秋。晚秋也。秋而樹尚碧。故接曰湖南冬猶不雪。病軀就暖。乃爲淹留耳。二句自序兼點長沙。

別張十三建封湖南觀察使韋之晉辟參謀

嘗讀唐實錄。國家草昧。初劉裴首建議。龍見尚躊躇。秦王撥亂姿。一劍總兵符。汾晉爲豐沛。暴秦竟滌除。宗臣則廟



食後祀何疎。燕彭城英雄種。宜膺將相圖。爾惟外曾孫。倜儻汗血駒。眼中萬少年。用意盡崎嶇。相逢長沙亭。乍問緒業餘。乃吾故人子。童卯聯居諸。揮手灑衰淚。仰看八尺軀。內外名家流。風神蕩江湖。范雲堪結友。嵇紹自不孤。擇材征南幕。潮落回鯨魚。載感賈生慟。復聞樂毅書。主憂急盜賊。師老荒京都。舊丘復稅駕。大厦傾宜扶。君臣各有分管。葛本時須雖。當霰雪嚴未覺。括柏枯高議。在雲臺嘶鳴望。天衢羽人掃碧海。功業竟何如。

張建封為劉文靜外曾孫。先序唐之初興。則劉裴首

建大議也。劉實裴虛。此時高祖躊躇而秦王奮起。仗劍總師。以汾晉起兵。掃除隋暴。宗臣既已廟食。而後嗣何其寥落耶。下接劉事彭城。劉氏也。英雄之後。宜為將相。本家無人。遂鍾于外曾孫。倜儻駿異。如爾也。者。眼中少年。用意崎嶇。皆所不及也。一段張建封。今相逢于長沙亭下。問其緒係。乃吾故人之子。憶爾童卯之時。與爾晨夕相見。今則感舊揮淚。爾已長成矣。一段序相見。內家本族。外家文靜。無非名門。而風神俊發。飄蕩江湖。韋亦爾父之故人。如范雲之急友。山



濤之撫孤。所以擇才於征南幕。辟爾為參謀也。爾昔  
 困頓。如鯨魚入于淺水。今且隨潮而入海矣。一段韋  
 辟。參謀。又言天下多事。可為賈生之痛哭。誰若樂毅  
 之上書。主憂而盜賊未滅。師老而京都未平。故舊丘  
 不復稅駕。大厦正須扶持。况君臣原有定分。管葛為  
 時所須。雖雪霜之後。必有後彫之姿。則高議在雲臺  
 之上。汝當驥首于天路矣。一段勉其乃心王室。弗為  
 藩鎮所用。待爾功成之日。逍遙世外。則羽人掃碧海  
 以待子矣。若其未也。子之功業。竟如何乎。

送盧十四弟侍御護韋尚書靈輿歸上都二十四韻

素幕渡江遠。朱幡登陸微。悲鳴駟馬顧。失涕萬人揮。參佐  
 哭辭卑。門闌誰送歸。從公伏事久。之子俊才稀。長路更執  
 紼。此心猶倒衣。感恩義不小。懷舊禮無違。墓待龍驤詔。臺  
 迎解豸威。深衷見士則。雅論在兵機。乘妖氣。塵沙落  
 禁闈。往年朝謁斷。他日掃除非。但促銅壺箭。休添玉帳旂。  
 動詢黃閣老。肯慮白登圍。萬姓瘡痍合。群兇嗜慾肥。刺規  
 多諫諍。端拱自光輝。儉約前王體。風流後代希。對敷期特  
 達。衰朽再芳菲。空裏愁書字。山中疾採薇。撥盃要忽罷。抱



被宿何依眼冷看征蓋兒立鈞磯清霜洞庭葉故就別時飛

靈觀從湖南而去。先行水程。欲歸上都。後登陸路。望其素幕朱幡。淒涼迢遞。而初發之時。已見駟馬悲鳴。萬人揮淚也。一段靈觀歸參佐。不過哭辭歸家。又將誰送乎。參佐之中。事公既久。俊才復稀者。惟有子耳。所以長路不憚執紼。此心依然。晨夕蓋因感恩義大。懷舊盡禮也。一段護靈觀。雖尚書丞事。尚待諭瑩。結上。而御史臺中。又迎憲節。起下。子則既有深心。可為

士則復多雅論。洞曉兵機。下接兵機句。今日吐番入寇。禁闔烟塵。往年之朝謁。藩鎮不庭。前日之掃除。未得上策。不過浪費時日。絕無韜略。即黃閣大臣。奉詔下詢。而白登久圍。亦所不慮。因致萬姓之瘡痍。養群克之縱恣耳。子能盡御史之職。刺時而多諫諍。則朝廷之上。端拱而自光輝。於是儉約而復先王之制。風流為後代所希矣。是以望子之對揚特達。我亦哀朽而分榮也。一段勉虛侍御。下自序子去之後。惟有空書愁字。且向山中採薇。對酒而罷飲。抱被而何依乎。



故于子之行看征蓋之飄搖致鉤磯之久立而已柰  
何洞庭之葉偏向別時彫落更添淒慘乎

風疾舟中伏枕書懷呈湖南親友三十六韻

軒轅休製律虞舜罷彈琴伏羲造瑟神農作琴舜彈五絃樂歌南風之篇有矣尚錯  
雄鳴管猶傷半死心聖賢名古逸羈旅病年侵舟泊常依  
震湖平早見參如聞馬融笛若倚仲宣襟故國悲寒望群  
雲慘歲陰水鄉霾白蜃楓岸疊青岑鬱鬱冬炎瘴濛濛雨  
滯淫鼓迎方祭鬼彈落似鴉禽興盡纔無悶愁來遽不禁  
生涯相汨沒時物正蕭森疑惑尊中弩淹留冠上簪牽裾

驚魏帝投閣為劉歆狂走終奚適微才謝所欽吾安藜不

糝汝貴玉為琛烏几重重縛鶉衣寸寸針哀傷同庾信庾信

作哀江述作異陳琳十暑岷山葛三霜楚戶砧叨陪錦帳

坐久放白頭吟反襍時難遇忘機陸易沉應過數粒食得

近四知金春草封歸恨源花費獨尋轉蓬憂悄悄行藥病

涔涔瘞天遣潘岳持危覓鄧林蹉跎翻學步感激在知音

却假蘇張舌高誇周宋鍾納流迷浩汗峻址得欽盜城府

開清旭松筠起碧潯披顏爭倩逸足競駸駸朗鑒存愚

直皇天實照臨公孫仍恃險侯景未生擒侯景陷臺城者書信中



原濶干戈北斗深○畏人千里井問俗○九州箴戰血流依舊○  
軍聲動至今○葛洪尸定解○許靖力難任○家事丹砂訣○無成  
涕作霖

軒轅不必製律○虞舜且罷彈琴○蓋元化不應鳴管皆  
錯承軒轅○熏歌既遠○琴心亦傷○承虞舜四句○比聖賢  
之名○去古已遠○承上羈旅之客○病與年侵起下○故舟  
泊震澤○欲東下也○湖平見參冬時也○震澤不在荆南  
姑依舊注○如聞馬融之笛○如倚仲宣之樓○而回望故  
國○但見亂雲重叠○歲晚淒涼而已○此地水鄉○蜃氣楓

岸青岑○冬瘴未開○雨霴不止○鳴鼓而祭鬼○擘彈而落  
鶚○即高興略一開懷○又復愁來而不自禁淒絕矣○是以  
生涯任其汨沒○時序正爾蕭森○况世路艱難○隄防盃  
弩○朝廷遠隔○辜負冠簪○憶昔牽裾而驚魏帝○拾遺上  
書也○投閣而為劉歆○訟房琯被謫也○至今狂走未定○  
無才世輕○我雖藜藿自安○無奈米薪珠玉○故貧窶之  
甚○烏几壞而重重屢縛○鶉衣破而寸寸皆針○徒有哀  
傷自同庾信○媿無述作以繼陳琳也○乃在蜀十年○在  
楚三載○雖時叨錦帳之陪侍○誰哀白頭之苦吟○蓋因



時未反樸。故聽陸沉。應當數粒而食。豈有暮夜之金乎。惟見春草而歸恨不開。望桃源而獨尋未遇。徒為轉蓬多憂。行藥遣病而已。且子死方瘞。尚欲遣潘岳之悲。卽此身已危。無處覓鄧林之杖。是以蹉跎而失故步。感激而望知音。不得不假蘇張之舌。誇周宋之鐔。以希餘潤矣。一段俱伏枕書懷。而諸公則如海大而納衆流。山高而不能仰。城府清旭。松筠碧潯。其清貴如此。朗鑒雖容我愚直。而忠懷則天所照臨。八句呈湖南親友。下又收轉。今則公孫恃險。蜀中亂也。侯

景未擒。湖南畔也。書信而中原隔絕者。以干戈而長安未平也。故畏人而潛千里之外。問俗而歎九州之巖。乃戰血仍流。軍聲未靖。何以爲懷哉。今且將死。則葛洪之尸解已定。決矣。但恨許靖之周游力難任耳。因歎久事丹砂之訣。而一無所成。空爲流涕乎。

舟中夜雪有懷盧十四侍御弟

朔風吹桂水。大雪夜紛紛。暗度南樓月。寒深北渚雲。燭斜初近見。舟重竟無聞。不識山陰道。聽雞更憶君。

朔風吹桂水之波。當意作矣。荆州有南樓之月月已。



暗矣。故雪度而寒重也。三句頂桂水暗不復見。偶飄  
近於燭間。雪本無聲。故但覺其船重也。二句實寫舟  
中夜雪。不識侍御於山陰道上。何以爲懷。此際聽雞  
又相念及耳。二句有懷盧侍御。

對雪

北雪犯長沙。雲冷萬家隨風且問葉。帶雨不成花。金錯  
囊垂罄。銀壺酒易賒。無人竭浮蟻。有待至昏鴉。何遜詩城陰渡塹弱

昏鴉接翅歸

雲如北雪。雲似雲。已非南雲。南雪矣。故長沙萬家。

皆冷也。有時隨風而忽大如葉者。今且帶雨而并不  
成花矣。四句咏雪。雖客囊將罄。而有酒可賒。但恨無  
人共飲。故有待而直至昏鴉耳。四句對雪。

暮冬送蘇四郎僕兵曹適桂州

飄飄蘇季子。六印佩何遲。早作諸侯客。兼工古體詩。爾賢  
埋照久。余病長年悲。盧縮須征日。樓蘭要斬時。歲陽初盛  
動。王化久磷緇。爲入蒼梧廟。看雲哭九疑。

飄泊既如季子。而六國之印。何其遲耶。今雖未達。而  
早爲諸侯之客。更工古體之詩矣。然亞之賢。尚爾埋



照○表○之○疾○。又○當○暮○年○也○。六○句○贈○蘇○。今○盧○紹○須○征○。指○邊○  
 將○也○。樓○蘭○當○斬○。指○吐○番○也○。無○奈○春○陽○初○動○。又○復○一○年○。  
 而○王○化○磷○緇○。竟○無○綱○紀○乎○。四○句○時○事○。子○如○入○蒼○梧○廟○  
 中○。則○對○境○傷○時○。又○當○一○哭○耳○。二○句○送○適○桂○州○。

杜詩論文五十五

吳興祚伯成定

武進吳見思齊賢注

宜興潘眉元白評

武進董元愷舜民參

唐代宗大曆五年春潭州

追酬故高蜀州人日見寄

開○文○書○帙○中○。檢○所○遺○。忘○。因○得○故○高○常○侍○適○。往○居○在○成○  
 都○時○。高○任○蜀○州○刺○史○。人○日○相○憶○見○寄○詩○。淚○灑○行○間○。讀○  
 終○篇○末○。自○枉○詩○已○十○餘○年○。莫○記○存○歿○。又○六○七○年○矣○。老○



病懷舊生意可知。今海內忘形故人獨。漢中王瑀與  
 昭州敬使君。超先在愛而不見情。見乎辭。大曆五年  
 正月二十一日。却追酬高公此作。因寄王及敬弟。  
 自蒙蜀州人日作。不意清詩久零落。今晨散帙眼忽開。迸  
 淚幽吟事如昨。嗚呼壯士多慷慨。合脊高名動寥廓。歎我  
 悽悽求友篇。感時鬱鬱匡君略。錦里春光空爛熳。瑤池侍  
 臣已冥冥。瀟湘水國有鼉鼉。鄩杜秋天失鵬鷺。東西南北  
 更堪論。白首扁舟病獨存。遙拱北辰纏寇盜。欲傾東海洗  
 乾坤。邊塞西蕃最充斥。衣冠南渡多崩奔。鼓瑟至今悲帝

子曳裾何處覓王門。文章曹植波瀾濶。服食劉安德業尊。  
 長笛誰能亂愁思。昭州詞翰與招魂。

自蒙蜀州人日之寄。不意清詩久不復見矣。今日偶  
 散書帙。忽見眼明。為之迸淚。為之長吟。回想猶昨日  
 也。四句見詩。壯士既多意氣。高名又動天下。歎我之  
 栖遲。因寄求友之篇。感時而鬱陶。乃有匡君之畧。四  
 句贊高兼寫寄詩。今則錦里之春光空爛。瑤池之侍  
 臣已亾。我泛水國而傍鼉鼉。君如秋天而失鵬鷺矣。  
 四句序高之亾。前高詩云。愧爾東西南北人。今之飄



流更甚。故扁舟白首。止存病身。遙望北辰。盜賊未靖。欲挽東海。洗乾坤。無如西番充斥。使我南渡崩奔也。六句自序。又念昔同為王門之客。而今鼓琴空悲。曳裾何地乎。王則文章益浩。德業益尊。行且服食求仙。追踪淮南矣。四句漢中王。是以悲吟愁思。笛不能亂。惟乞昭州使君之詞翰。與為招魂而已。二句敬弟。帶悲乎。意結。

奉贈蕭二十使君

昔在嚴公幕。俱為蜀使臣。艱危參大府。前後間清塵。

嚴再鎮蜀

都余後參幕府起草鳴先路。乘槎動要津。王臯聊暫出。蕭雉只相

馴。終始任安義。荒蕪孟母鄰。聯翩旬禮意。氣死生親嚴公

既沒老母在堂。使君溫靖之間。甘脆之禮。名數若已之庭。聞焉及太夫人傾逝。喪事又首諸孫主典。撫孤之情。真所謂死生不減骨肉則膠漆之契。可以見矣。張老存家事。嵇康有故人。食恩慚鹵

莽。鏤骨抱酸辛。巢許山林志。夔龍廊廟珍。鵬圖仍矯翼。熊

軾且移輪。磊落衣冠地。蒼茫土木身。墳笮鳴自合。金石瑩

逾新。重憶羅江外。同遊錦水濱。結歡隨過隙。懷舊益霑巾。

曠絕含香舍。稽留伏枕辰。停驂雙闕早。迴雁五湖春。不達

長卿病。從來原憲貧。監河受貸粟。一起轍中鱗。

上詩論之



昔在嚴公幕中。俱爲蜀使。時方艱危。復叅大府。我與使君前後相間也。四句。序幕中事。公入爲舍人。中書視草。以開道路。奉使乘槎。遂入要津。又出爲縣尹。而鳧鳥飛車。雉馴矣。四句。序使君歷官。今嚴公旣沒。而任安之義。不後他人。嚴公之母。繼復見背。而兩番哀救。不聞死生。且紀其家事。則如張老。撫其孤子。則如山濤一段。序其報嚴公之誠。我則同爲食恩。而深慚肉莽。雖然。刻骨而空抱酸辛也。二句。自歉。然我爲巢許。而抱山林之志。公爲夔龍。而登廊廟之珍。以後功

名。鵬程難量。且爲刺史。熊軾移輪。四句。序蕭可惜。磊落衣冠之地。而爲蒼茫土木之身。公之與我。意氣原合。久而益新。故撫今追昔。當日共處羅江。同游蜀地。結歡如同過隙。懷舊不覺沾巾耳。我旣不能供職趨朝。徒爲淹留伏枕。欲歸故鄉。而停驂雙闕。時尚早也。久留潭外。而迴馬五湖。歲將春矣。仕而不達。止因長鄉之病。賢者多阨。從來原憲之貧。但汝能作監河貸粟。而起我涸轍之鱗乎。

奉送二十三舅錄事之攝郴州



本言詩  
賢良歸盛族。吾舅盡知名。徐庶高交友。劉牢出外甥。泥塗  
登珠玉。環堵但柴荆。衰老悲人世。驅馳厭甲兵。春江上  
別。淚血渭陽情。丹鷁排風去。林鳥反哺聲。永嘉多北至。勾  
漏且南征。必見公侯復。終聞盜賊平。郴州頗涼冷。橘井尚  
淒清。從役何蠻貊。居官志在行。

自古賢良必歸于盛族。吾舅所以盡為名士也。徐庶  
既篤友誼。一句舅。劉牢又出外甥。一句自。無奈困于  
泥塗。豈為珠玉。蕭然環堵。但有柴荆。兩句。頂外甥。珠  
玉。外甥事也。下自序。衰老而悲人世之艱。馳驅而厭

甲兵之久。乃方春也。為江上之別。淚血者為渭陽之  
情也。下送別。望丹鷁之凌風。聽林鳥之反哺。因舅而  
念母也。今舅之去。如東晉之士。多從北至。亦如勾漏  
之令。且復南征。錄事攝郴州也。然雖一時困頓。他日  
必見公侯之復。終當天下之平。則郴州涼冷。橘井妻  
清。且權時安分。何必鄙其蠻貊乎。亦在居官者識之  
而已。

送魏二十四司直克嶺南掌選崔郎中判官兼寄韋韶  
州



選曹分五嶺○使者歷三湘○才美膺推薦○君行佐紀綱○佳聲期共遠○雅節在周防○明白山濤鑒○嫌疑陸賈裝○故人湖外少○春日嶺南長○憑報韶州牧○新詩昨寄將

選曹而分五嶺○故有嶺南掌選之官也○使者而歷三湘○崔郎中往掌選也○才美而膺推荐○故辟君以佐紀綱○魏司直為崔郎中判官也○四句序題○掌選必須公明○故佳聲期其遠達○雅節在于周防○明白如山濤之鑒○明也○頂佳聲句○嫌疑無陸賈之裝○公也○頂雅節句○四句勉魏自君之去○我在湖外而故人益少矣○君至

嶺南則春日當更長也○二句送至韶州而報韋君新詩○昨已寄去矣○二句兼寄韋韶州

送趙十七明府之縣

連城為寶重○茂宰得才新○山雉迎舟楫○江花報邑人○論交翻恨晚○臥病却愁春○惠愛南翁悅○餘波及老身

明府縣令也○連城之為寶已重○點趙姓茂宰而得才為新○點縣尹下二句俱縣尹事○馴雉當迎舟楫○栽花先報邑人○四句完題○我方識君論交已晚○久為臥病反覺愁春○二句自謂然君至縣之後○惠愛及人○南翁



胥悅有餘波以溉我乎

同豆盧峰貽主客李員外賢子棐知字韻

鍊金歐冶子噴玉大宛兒符彩高無敵聰明達所為  
夢蘭他日應折桂早年知爛熳通經術光苾刷羽儀  
謝庭瞻不遠潘省會于斯唱和將雛曲田翁號鹿皮

鍊金為歐冶之子噴玉乃大宛之兒文彩已高一時  
而聰明無所不達雖夢蘭之徵尚待應于他日折桂  
之兆已預卜于幼時矣蓋其今日已通經術能修羽  
儀即此已不凡矣八句皆美李員外子謝庭之瞻不

遠李員外也潘省之會在斯豆盧峯家也倡和同豆  
盧峯貽詩也將雛曲李員外攜子也田翁鹿皮乃自  
謂也

歸鴈二首

萬里衡陽鴈今年又北歸雙雙瞻客上一一背人飛雲裏  
相呼疾沙邊自宿稀繫書無浪語愁寂故山薇

衡陽之鴈自萬里而來今又北歸矣野雁見人故雙  
雙而直上我南雁北故一一皆背飛也又見同羣而  
相呼遇夜而自宿二句歸途之事因歎鴈能寄書諒



非虛語而我則故山薇蕨久已荒涼并書亦不必附矣。

欲雪違地先花別楚雲却過清渭影高起洞庭群塞北春陰暮江南日色曛傷弓流落羽行斷不堪聞

想其來時欲雪而已違北地今方歸日先花而又別楚雲矣來時則影過清渭頂欲雪句歸日則羣起洞庭頂先花句然豈無傷弓之羽乎而行斷哀鳴所不忍聞也

小寒食舟中作

佳辰強飲食猶寒隱几蕭條戴鶡冠春水船如天上坐老年花似霧中看娟娟戲蝶過閑幔片片輕鷗下急湍雲白山青萬餘里愁看直北是長安

遇此佳辰強為小飲食猶寒者小寒食也而一無所事惟有隱几危坐而已見春水滿湖而天水相連如浮天上頂隱几花枝照眼而老年不見如在霧中矣頂佳辰戲蝶娟娟有時過幔頂花輕鷗片片忽下急湍頂春水四句皆舟中景乃回首雲山萬里長安在北能不心傷乎



燕子來舟中作

湖南為客動經春。燕子啣泥兩度新。舊入故園嘗識主。如今社日遠看人。可憐處處巢君室。何異飄飄託此身。暫語船檣還起處。穿花落水益霑巾。

湖南為客。又經一春矣。故見燕子啣泥。不覺兩度也。舊入故園。我曾為主。今逢社日。乃看人于遠地乎。雖巢君之室。何異寄身于人。今則暫語船檣。又還飛起。并非其巢宿之處矣。故見其穿花拂水而去。感念此身。不覺淚下也。通首咏燕子來舟中。只于末句一點。

清明

著處繁華矜是日。長沙千人萬人出。渡頭翠柳豔明眉。爭道朱蹄驕齒膝。此都好遊湘西寺。諸將亦自軍中至。馬援征行在眼前。葛強親近同心事。金鐙下山紅日晚。牙檣揆柂青樓遠。古時喪亂皆可知。人世悲歡暫相遺。弟姪雖存不得書。千戈未息苦離居。逢迎少壯非吾道。况乃今朝更祓除。

到處以此日為繁華。即長沙而已。千萬人俱出也。於是有游女之明眉。游子之驕馬。將何往乎。游之最盛。



者此湘西寺耳。故不特都人也。即軍中諸將俱出而  
 諸將中。則有如馬援之端征者。出軍在即。則偷隙而  
 游。有如葛強之親近者。主將同心。則恃愛而游也。乃  
 游興既闌。乘馬者則下山日晚。乘舟者則取道猶遙。  
 一時俱去矣。一段清明之事。古時喪亂。事皆可知。人  
 世悲歡。且以消遣。所以弟姪無信。兵革離居。姑且置  
 之矣。如欲逢迎少年。豈吾事乎。况今朝又當星已之  
 日。正祓除之辰。一切舊染之污。從此漸除矣。

贈韋七贊善

鄉里衣冠不乏賢。杜陵韋曲未央前。爾家最近魁三象。

下兩兩相時論同歸尺五天。俚語曰城南韋北走關山開

此為三台雨雪南遊花柳塞。雲烟洞庭春色悲。公子蝦菜忘歸范蠡

船。鄉里衣冠之輩。原不乏賢。我為杜陵。汝為韋曲。皆在

未央左近也。爾則家有宰相。而象近三台。我則同為  
 世家。而近天尺五。三句皆承鄉里衣冠句。乃北走而  
 衝雨雪。自秦入蜀也。南游而悲花柳。自蜀來湖南也。  
 已極流離矣。乃于洞庭春色之中。復悲公子之歸泊。



亦如范蠡乎。

風雨看舟前落花戲為新句

江上人家桃樹枝。春寒細雨出疎籬。影遭碧水潛勾引。風妬紅花却倒吹。吹花困懶傍舟楫。水光風力俱相怯。赤憎輕薄遮人懷。珍重分明不來接。溼久飛遲半欲高。紫沙惹草細于毛。蜜蜂蝴蝶生情性。偷眼蜻蜓避百勞。

江上人家。而有桃樹。因春寒細雨。故飛出疎籬也。乃映水欲落。若為相引。被風飄去。如或妬之。至風定花灑。而落傍舟前矣。此蓋花之怯于人水。又怯于隨風。

故飄墮于此。而人復憎其飄搖輕薄。雖撲入懷袖。而心雖珍重。眼看分明。乃終不來接乎。更歎片片齊飛。因久濕飛遲。欲高反墜。有紫沙上者。有落草上者。無處不為狼籍矣。夫蜜蜂蝴蝶。昔愛其香。今見其落。而別生情性。已不復來。止有蜻蜓之賤。偷眼幾香。為避伯勞。又仍遠去矣。淡寫落花辭枝。飄泊無歸。以此士女之不可輕于失身也。

岳麓山道林二寺行

玉泉之南麓山殊道林。林壑爭盤紆。寺門高開洞庭野。殿



脚插入赤沙湖。五月寒風冷佛骨。六時天樂朝香爐。地靈  
 步步雪山草。僧寶人人滄海珠。塔劫宮墻壯麗敵。香廚松  
 道清涼俱蓮花。交響共命鳥。金榜雙迴三足鳥。方丈涉海  
 費時節。玄圃尋河知有無。暮年且喜經行近。春日兼蒙暄  
 暖扶。飄然斑白身。奚適旁此烟霞茅。可誅桃源人家易制  
 度。橘洲土田仍膏腴。潭府邑中甚淳古。太守庭內不喧呼。  
 昔遭衰世皆晦迹。今幸樂國養微軀。依止老宿亦未晚。富  
 貴功名焉足圖。久為野客尋幽慣。細學何顛免典孤。一重  
 一掩吾肺腑。山鳥山花吾友于。宋公放逐曾題壁。物色分

畱與老夫

宋之問之貶也塗經于此有詩尚在壁間

玉泉之南麓山為殊。麓山寺也。道林林壑與麓山爭  
 相盤紆。道林寺即在麓山左近也。寺門則高向洞庭。  
 殿脚則插入赤沙。盤踞兩湖之間。甚言其大耳。兩處  
 湖山之勝。故五月風寒。為人天所馭。故六時天樂。是  
 以地擅靈奇。皆生雲山之草。僧多高卓。人懷滄海之  
 珠。且塔廟同有宮墻之麗。香廚俱在松道之中。蓮花  
 開而鳥歌佛曲。金榜高而日照增輝。一段咏寺。日步  
 步。日人人。日敵。日俱。日交響。雙迴。二寺也。方丈既在



海外莫可尋求。玄圃又在河源。有無難定。今暮年偶  
爾經過。卽此亦足佳也。况春日暄和。更堪游覽。因歎  
班白之年。去將奚適。傷此烟霧。卜居已足矣。况人家  
如桃源。草茅易辨。橘洲之田土。膏腴可耕。卽府邑之  
內。大守之庭。尚淳古靜。闕况山中乎。寫風俗之美也。  
苟得居此。則昔人遭亂。無不晦迹。幸得樂園。以終此  
身。則依止老僧。息心共住。尚爲未晚。回視富貴功名。  
亦何足圖乎。于是卜居既定。久作野客之幽。尋須爲  
何願之學佛。乃山岡重掩。爲吾肺腑之交。花鳥幽閑。  
如吾昆弟之樂乎。一設計欲卜居。下二句仍挽二寺。  
寺中宋之間。放逐至此。題壁猶存。而老夫復至。則當  
前物色。且與平分矣。

奉酬寇十侍御錫見寄四韻復寄寇

往別荆瑕地于今四十年來。簪御府筆。故泊洞庭。船詩憶  
傷心處。春深把臂前。南瞻按百越。黃帽待君偏。

往于晉地相別已四十年矣。今來已簪御府之筆。侍  
御也。故泊洞庭之船。乃于湖南相見耶。讀詩而相憶。  
其傷心可知。春深而相別。把臂不復得矣。二句奉酬。



惟南望其按越而歸。操舟以待于耳。

白馬

白馬東北來。空鞍雙貫箭。可憐馬上郎。意氣今誰見。近時主將戮。中夜商於戰。喪亂死多門。嗚呼涕如霰。

白馬從東北而來。空鞍無人矣。雙貫箭馬尚着傷人可知矣。因憐馬上之人。昔日意氣。何從見耶。蓋因王將之戮。中夜力戰。故致此耳。喪亂死多門。自古記之。死者已矣。生者能自保乎。不覺又為之淚下也。

杜詩論文五十六

吳興祚伯成定

武進吳見思齊賢注

宜興潘眉元白評

武進董元愷舜民參

唐代宗大曆五年衡州

入衡州

兵革自久遠。興衰看帝王。漢儀甚照耀。馬何猖狂。老將一失律。清邊生戰場。君臣忍瑕垢。河岳空金湯。重鎮如割據。輕權絕紀綱。軍州體不一。寬猛性所將。嗟彼苦節士。素



於圓鑿方寡妻從為都元者安堵墻彫敝惜邦本哀矜存  
事常旌麾非其任府庫實過防怨已獨在此多憂增內傷  
偏裨限酒肉卒伍單衣裳元惡迷是似聚謀洩康莊竟流  
帳下血大降湖南殃烈火發中夜高烟焦上蒼至今分粟  
帛殺氣吹沅湘福善理顛倒明徵天莽必銷魂避飛鏑累  
足穿豺狼隱忍積棘刺遷延胼瘡遠歸兒侍側猶乳女  
在傍久客幸脫免暮年慙激昂蕭條向水陸汨沒隨漁商  
報主身已老入朝病見妨悠悠委薄俗鬱鬱回剛腸參錯  
走洲渚春容轉林篁片帆在柳岸通郭前衡陽華表雲烏

埋名園花草香旗亭壯邑屋烽櫓城隍中有古刺史盛  
才冠巖廊扶顛待柱石獨坐飛風霜昨者間瓊樹高談隨  
羽觴無論再繾綣已是安蒼皇劇孟七國畏馬卿四賦良  
門闢蘇生在蘇生侍御勇銳白起強問罪富形勢凱歌懸否  
臧氛埃期必掃蛟蚬焉能當橘井舊地宅仙山引舟航此  
行厭暑雨厥土聞清涼諸舅剖符近開緘書札光頻繁命  
屢及磊落字百行江總外家養謝安乘興長下流匪珠玉  
擇木羞鸞鳳我師稽叔夜世賢張子房彼樣張勸柴荆寄樂土  
鵬路觀翱翔



此因湖南臧玠殺團練使崔瓘。據潭州爲亂。公故入  
衡記事之詩也。兵革之興。雖自久遠。而興衰理亂。亦  
看帝王之爲治。何如耳。今漢道未衰。而祿山倡亂。至  
哥舒失律之後。清邊遂成戰場矣。故至今君臣忍耻。  
河岳動搖。方鎮自相割據。朝廷絕無紀綱。而軍州各  
自爲制。寬猛恣以意行。一段總序。嗟彼崔瓘。昔以苦  
節著聞。與世不合。故爲郡止。攜一妻。百姓安于堵墻。  
正因惜此罷民。以固邦本。每多哀矜。以存於紀耳。而  
節鎮非其任也。所以慎惜府庫。不能克已待人。一身

雖極焦勞。而偏裨不飽酒肉。士卒不免飢寒。故臧玠  
實爲元惡。以似是而非之說。搖動人心。聚謀泄忿。遂  
至帳下流血。一郡罹殃。烈火夜發。粟帛公分。沅湘之  
間。殺氣橫發矣。因歎崔瓘之死。則福善禍淫。理既顛  
倒。臧玠之亂。則明徵定保。天何足恃哉。一段湖南之  
事。我避亂而來。隱忍勞頓。已非一日。且倘有遠歸之  
兒。懷有猶乳之女。久客他鄉。幸遇福而脫免。暮年無  
力。空遇事而激昂。因致向水陸而蕭條。隨漁商而沮  
沒也。自恨欲報主。則身已老。欲歸朝。則病未能。故悠



悠而隨薄俗。徒鬱鬱而懷剛腸耳。一段避亂之事。既來衡州。參差而行于洲渚。春容而轉于林篁。未幾片帆柳岸。衡陽近矣。但見睥睨高標。名園散列。旂亭華燦。樓櫓堅固。而刺史又多才能。身有柱石之姿。法凜風霜之氣。昨者接坐開筵。不間談笑。無論既去復來。再承繼繼。而奔奔初定。已安蒼黃矣。况刺史俠如劇孟。既爲七國所畏。才如司馬。已知詞賦之良。而門下蘇生。又極勇銳。于是起而問罪。則扼其上流。形勢有餘也。歸而凱歌。則臧否可辨。國法已正也。于是氛埃

必掃。此輩又豈能當乎。一段入衡州之事。橋井乃舊人之家。仙山引游人之興。此行旣厭暑雨。此土又聞清凉。而諸舅剖符于此。致書見招。夫江總原托外家。謝安復能乘興。但愧非珠玉。未能擇木耳。珠玉鸞凰。承外家事。我師稽叔夜。世多不堪。彼有張子房。人所共賞。則柴荆寄此。看諸子之翱翔而已。一段入衡州之懷。

舟中苦熱遣懷奉呈陽中丞通簡臺省諸公  
媿爲湖外客。看此馬亂中夜。混黎屯。脫身亦奔竄。平生



方寸心反當帳下難。嗚呼殺賢良。不叱白刃散。吾非丈夫特。沒齒埋冰炭。恥以風疾辭。胡然泊湘岸。入舟雖苦熱。垢膩可漑濯。痛彼道邊人。形骸改昏旦。中丞連帥職。封內權得按。身當問罪先。縣實諸侯半。士卒旣輯睦。啟行促精悍。似聞上游兵。稍逼長沙館。鄰好彼克脩。天機自明斷。南圖卷雲水。北拱載霄漢。美名光史臣。長策何壯觀。驅馳數公子。咸願同伐叛。聲節哀有餘。夫何激衰懦。偏裨表三上。函莽同一貫。始謀誰其間。迴首憎憤惋。宗英李端公。守職甚昭煥。變通迥脇地。謀畫焉得算。王室不肯微。凶徒略無憚。

此流須卒斬。神器資強幹。扣寂豁煩襟。皇天照嗟嘆。

媿為湖外之客。又看此戎馬之亂乎。中夜而混于庶民之中。脫身奔竄。所以避難而來也。夫崔瓘盡心以謀國事。而反遭帳下之難。此時賢良遇禍。不能叱而散之。不亦哀哉。一段湖南逃竄之事。吾非英雄。已甘于埋沒。萬一為彼所得。雖以風病固辭。諒不從亂。然耻已甚矣。否則何為而又泊于湘岸乎。故入舟雖熱。猶可漑濯。而同奔奔之藜。昨流離道路者。形骸憔悴。日夕不同。更可痛也。一段舟中苦熱。陽中丞居連帥。



之職有封疆之任。身當率先問罪。况土地既廣。士卒  
 又輯。卽此可以啟行矣。又聞上游之兵已逼長沙。彼  
 既克修隣好。我乃坐視禍亂乎。然陽公天機明斷。自  
 無他疑。必當南平宵小。北拱朝廷。美名光于史臣。長  
 策又何壯耶。一陟奉呈陽中丞。而協力驅馳者更有  
 數公子。咸思伐叛同仇。蓋崔公聲節足以動傷人之  
 衷。豈止激我衰懦之氣乎。四句臺省諸公。乃聞臧玠  
 偏裨。上表請節鉞。此皆鹵莽同惡。扭于河北之習耳。  
 不知誰爲此謀者。不覺回首而增憤惋也。雖有李勉

爲宗室之英。守職謹勅于迫脅之地。爲之變通。然不  
 過權濟一時。而不能聲罪致討也。夫王室雖累遭禍  
 亂。尚不肯自安微弱。而凶徒恣橫。畧無忌憚。是當盡  
 爲斬。又以扶翊神器。必不可仍爲姑息也。我所以作  
 詩。上扣以豁煩襟。而一片忠心。自有皇天照鑒而已。

江閣對雨有懷行營裴二端公

南紀風濤壯。陰晴屢不分。野流行地日。江入度山雲。層閣  
 憑雷殷。長空面水昏。雨來銅柱北。應洗伏波軍。

南國風濤正漲。而天氣陰晴不分。雨將作矣。野流行



于地中。頂風濤壯。江色入于雲內。頂陰晴不分也。未  
 幾層閣憑空。雷聲隱隱。未雨而先雷。長空對面。波文  
 漪漪。雨乃作矣。二句江閣對雨。雨從東南來。想于銅  
 柱之北。洗伊波之軍乎。二句懷行營裴端公。

題衡山縣文宣王廟新學堂呈陸宰

旄頭彗紫微。無復俎豆事金甲。相排蕩青衿。一憔悴嗚呼  
 已十年。儒服敝于地。征夫不遑恤。學者淪素志。我行洞庭  
 野。歛得文翁肆。僦僦胄子行。若舞風雲至。周室宜中興。孔  
 門未應棄。是以資雅才。渙然立新意。衡山雖小邑。首倡恢

大義。因見縣尹心。根源舊宮闕。講堂非曩構。大屋加塗墍。  
 下可容百人。膏隅亦深邃。何必三千徒。始壓戎馬氣。林木  
 在庭戶。密幹疊蒼翠。有井朱夏時。輓轡凍堦祀。耳聞讀書  
 聲。殺伐災勢歸。故國延歸望。衰顏減愁思。南紀收波瀾。西  
 河共風味。采詩倦跋涉。載筆尚可紀。高歌激宇宙。凡百慎  
 失墜。

旄頭而掃紫微。天象已變。故于戈既亂。俎豆不興。是  
 以金甲四布。而青衿憔悴也。如此已十年矣。征夫不  
 遑息。承金甲句。學者失素志。承青衿句。八句學政之



廢反。起我于洞庭之間。如入文翁之廬。僦僦胄子。若坐春風。蓋周室原應中興。故孔門未應廢棄耳。然必資大雅之才。乃能煥然新立耳。陸宰。卽所謂雅才也。故于衡山小邑。首倡大義。立此學堂。因見陸宰之心。原從孔門出身。故講堂非復舊制。大屋更加丹青。下容百人。言其大。墻隅幽邃。言其深也。何必親見三千之徒。而後厭兵戈之氣乎。且庭有林木。井有鹿轡。耳聞讀書之聲。而殺伐之災。已湔除無餘矣。一段新學堂。呈陸宰。我因懷故國。而延歸望。見此慰宿昔。而減

愁顏。爲其可收南國之兵戈。已見西河之風味矣。采詩雖已無人。而載筆尚堪記事。於是作此高歌。以激天下之人心。而告之口。凡百尚恐失陸。而况吾道乎。

朱鳳行

君不見瀟湘之山。衡山高山巔。朱鳳聲嗷嗷。側身長顧求其曹。翅垂口噤心甚勞。下懸百鳥在羅網。黃雀最小猶難逃。願分竹實及螻蟻。盡使鴟梟相怒號。

瀟湘之間。衡山最高。故朱鳳于此棲鳴也。而鳳鳴止爲求友。故聲急而心勞耳。上爲同類之彫殘。下憫百



鳥之羅網。夫羅網肆布。至小如黃雀。猶不能逃。大者可知矣。然吾願鳳凰。既戴仁抱義。即螻蟻之細。尚應相救。至鳴泉之類。使其飢餓怒號。亦何足惜乎。

聶耒陽以僕阻水書致酒肉療飢荒江詩得代懷興盡

本韻至縣呈聶令陸路去方田驛四十里舟行一日

時屬江漲泊于方田

耒陽馳尺素見訪荒江渺義士烈女家風流吾賢紹昨見  
狄相孫許公人倫表前朝翰林後屈跡縣邑小知我礙清  
湍半旬獲浩漉麾下殺元戎湖邊有飛旄孤舟爭鬱鬱僻

路殊悄悄側驚猿猱捷仰羨鶴鶴矯禮過宰肥羊愁當置

清醪人非西喻蜀典在北坑趙方行柳岸靜未話長沙擾

崔師乞已至澧卒用矜少問罪消息真開顏憩亭泊時感玠殺

崔暉長沙撥亂開在侍御清乞師于洪府帥已至袁州比楊中丞于琳問罪將士自豐上達長沙

耒陽令馳書而訪我于江游二句總起夫此耒陽令者自聶政姊弟之後紹其風流所以狄相之孫兼慕亦以人倫之表推許才品既優又係前朝翰林之後其家聲又大乃屈跡于縣邑之卑耶六句序聶耒陽知我阻水已有半旬正當臧玠之亂賊殺元帥孤櫬



湖邊是以孤舟僻路已極紆鬱矣况阻水不得行而  
 羨猿鶴之飛走乎一段阻水乃蒙聶令特宰肥羊已  
 為過禮兼有清酒正當愁時二句書致酒肉其奈人  
 非喻蜀之才而有坑趙之興蓋亂賊干紀必須盡殺  
 之如前篇所云也然力不能及所以方行柳岸而畏  
 問長沙耳然聞崔侍御乞師已至陽中丞自澧而來  
 問罪之師消息已真不覺為開顏一笑矣一段阻水  
 心事

長沙送李十一衡

與子避地西康州洞庭相逢十二秋遠愧上方曾賜履境  
 非吾土倦登樓久存膠漆應難並一辱泥塗遂晚收李杜  
 齊名真不忝朔雲寒菊倍離憂

與子避地同谷今相逢湖南其間已二十年矣上方  
 錫履遠愧省郎之授境非吾土并無登樓之懷矣惟  
 與子久為膠漆固無人可並頂與子二句然一辱泥  
 塗又幾時得去乎頂尚方二句夫昔稱李杜齊名我  
 已忝竊乃今朔雲寒菊之日于復增一倍離憂耶通  
 首七句序事只末句是送而長沙止二句一點



暮秋將歸秦畱別湖南幕府親友  
水澗蒼梧野天高白帝秋途窮那免哭身老不禁愁大府  
才能會諸公德業優北歸衝雨雪誰憫敝貂裘

水澗者為蒼梧之野天高而傷白帝之秋二句暮秋  
蓋舉目非故鄉也正反襯歸秦二字惟其異鄉故途  
窮不能不哭更兼身老不能禁愁遂謀歸計耳二句  
將歸秦大府而才能俱會諸公之德業方優我獨衝  
寒北歸而貂裘已敝誰憫我乎四句畱別湖南幕府  
親友

過洞庭湖

鮫室圍青草龍堆隱白沙護堤盤古木迎棹舞神鴉破浪  
南風正回樯畏日斜湖光與天遠直欲泛仙槎

鮫室而圍青草青草湖也龍堆而隱白沙白沙堤也  
沙上則有護堤之古木湖中則有迎棹之神鴉二句  
分頂正當北行故南風而破浪蓋疾正欲破浪乃日  
斜而畏塗須泊矣乃既泊之後回望湖光直連天末  
而乘風之興猶未已也



康熙壬子年三月  
常州岱淵堂梓





